




2018 թվականի նոյեմբերի 22-ին, Աջարիայում գործող Հանդուրժողականների ակումբի անդամները այցելեցին Բաթումի «Սուրբ փրկիչ» Հայ Առաքելական Ուղղափառ Սուրբ Եկեղեցի:

Ակումբի անդամներին ընդունեց եկեղեցու և տեղի հայության հոգևոր հովիվ արժանապատիվ Տեր Արարատ քահանա Գումբալյանը: Վերջինս նրանց տեղեկացրեց, որ հայոց եկեղեցի Բաթումիում առաջին անգամ կառուցվել է 1879 թվականին: Այն եղել է փայտաշեն և շատ շուտով վնասվել է:



1885 թվականին փայտաշեն եկեղեցին քանդել են և նոր քարաշեն տաճար են կառուցել: Եկեղեցին իր գործառույթն իրականացրել է մինչև 1930 թվականը: Խորհրդային իշխանության տարիներին եկեղեցին իր գործունեությունը դադարեցրել է, վերածվելով այլ օբյեկտի:

1992 թվականին Բաթումիում բնակվող հայերի և Վիրահայոց թեմի դիմումով եկեղեցին վերադարձվեց համայնքին և վերակառուցվելուց ու վերածովելուց հետո վերստին ձեռնամուխ եղավ իր ծիսա-արարողական գործառույթների իրականացմանը:



Արժանապատիվ Տեր Արարատը հյուրերին պատմեց նաև Բաթումիում գործող Վիրահայոց

թեմի Ալեքսանդր Մանթաշյանց կենտրոնի և նրա գործունեության ուղղությունների մասին, խոսեց ազգային մշակույթի, ավանդույթների, սովորությունների մասին, նաև այն մասշտաբային փառատոների, մրցույթների, գեղարվեստական միջոցառումների մասին, որ պարբերաբար տեղի են ունենում եկեղեցում և նրա կրթամշակութային կենտրոնում:

Հյուրերը շնորհակալություն հայտնեցին Հայոց եկեղեցու հովվին ընդունելության և տեղեկատվություն հաղորդելու համար:

Այցն իրականացվել էր «Ազատ լրագրողների տուն» նախագծի շրջանակներում «Միջմշակութային ինտեգրում Աճարիայում» կարգախոսով , որը կյանքի է կոչվում «Բաց հասարակություն – Վրաստան» հիմնադրամի աջակցությամբ: